



Broj: 11-19-11-2-3635/25
Datum: 18.11.2025.godine

Na osnovu člana 43. i 45 stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavki za 2025. godinu, v.d. direktora Federalne uprave policije, d o n o s i:

ODLUKU

o poništenju postupka Javne nabavke sistema klimatizacije i ventilacije u objektima Federalne uprave policije

1. Poništava se postupak Javne nabavke sistema klimatizacije i ventilacije u objektima Federalne uprave policije, iz razloga što nijedna od primljenih ponuda za navedenu nabavku nije prihvatljiva.
2. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
3. Ova Odluka stupa na snagu danom donošenja.
4. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke sistema klimatizacije i ventilacije u objektima Federalne uprave policije, po Obavještenju o nabavci broj: 1412-1-1-293-3-192/25 od 23.10.2025.godine, objavljenom u "Službenom glasniku BiH" broj:65/25, dana 31.10.2025.godine.

Dana 13.11.2025. godine, Komisija za provođenje otvorenih postupaka nabavki za 2025.godinu je izvršila radnju Otvaranja ponuda za Javnu nabavku sistema klimatizacije i ventilacije u objektima FUP-e, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

Procijenjena vrijednost Javne nabavke sistema klimatizacije i ventilacije u objektima Federalne uprave policije, iznosi 231.589,23 KM bez PDV-a.

U postupku pregleda i ocjene ponuda za Javnu nabavku sistema klimatizacije i ventilacije u objektima FUP-e, Komisija je utvrdila da je za navedenu nabavku u određenom krajnjem roku za dostavljanje ponuda pristigla (1) jedna ponuda i to: Ponuda ponuđača ITC Zenica d.o.o., broj:1300-25-48 od 13.11.2025.godine sa ponuđenom ukupnom cijenom u iznosu od

308.210,72 KM bez PDV-a, kao i da je navedeni ponuđač u sklopu svoje ponude dostavio samo Obrazac za ponudu ANEKS I i Obrazac za cijenu ponude ANEKS II, bez dostavljanja ostalih dokumenata traženih Tenderskom dokumentacijom, zbog čega ponuda navedenog ponuđača nije potpuna i ne ispunjava zahtjeve iz tenderske dokumentacije, te je kao takva ocijenjena kao nepravilna i za ugovorni organ neprihvatljiva.

Obzirom da ponuda ITC Zenica d.o.o., nije potpuna i ne ispunjava uslove tražene Tenderskom dokumentacijom, ista je odbačena u skladu sa članom 68. stav 4. tačka i) ZJN BiH.

Budući da za Javnu nabavku sistema klimatizacije i ventilacije u objektima Federalne uprave policije jedina zaprimljena ponuda nije prihvatljiva, Komisija je u skladu sa članom 69., stav 2. tačka d) ZJN BiH predložila poništenje postupka navedene nabavke, što je konstatovano u Zapisniku o pregledu i ocjeni ponuda od 18.11.2025.godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- Ponuđaču ITC Zenica d.o.o.
- u spis



**V.D. DIREKTOR
(Načelnik SKP-a)
GLAVNI INSPEKTOR**

Enes Zeljković